

L. N. J.

DISSE^TATI^O GRADUALIS,
EXPLICATURA QUÆSTIONEM:

AN

JURAJURANDA
NOVAM PRODUCANT
OBLIGATIONEM?

QUAM

Consenſ. Ampliſſ. SENATU Philosoph.
in Regia Academia Aboënsi,

PRÆSIDE

MAG. JOHANN E
BILMARK,

HIST. & PHIL. PRACT. PROF. REG. & ORD.

Publice ventilandam silit

ANDREAS ORRÆUS,

WIBURGENSIS.

In Audit. Maj. d. VII. Junii Anni MDCCCLXVI.

H. A. M. S.

ABOÆ

Impresit JOH. CHRISTOPH. FRENCKELL.

DISSESTITO
GRADUARUM

S. I.

Jurandum est assertio religiosa, qua quis Deum ut vindicem invocat, si aut falsum dicat, aut fidem datam violet. Ex qua definitione luculenter sequitur, quod promissis & pactis accedens jusjurandum, magnum adeo illis addat momentum, ut manus aliud non concipi queat. Quum enim Deum, qui praesentia sua omnia implet, atque in abditos animorum recessus penetrat, nemo, licet Proteo etiam versutior fuerit, fallere queat, quum etiam sanctitas & justitia ejus non permittant, ut impunitum quemquam dimittat, qui majestatem Ejus temere laeserit, vix ullius conscientia tam crassum obduxit callum, quin sentiat, se jurejurando tenerrime & fortissime obstringi. Immo necesse est, ut quos nec ipsa ratio nec Lex Divina, omnium mentibus impressa, in officio continere possunt, ipsos a fallendo deterreat metus poenae Divinæ; quæ quo senior, eo plerumque est gravior. Quare veteres Ægyptii jusjurandum vocarunt *μεγίστη τῶν τοις αἰθρώτων πίστιν*, id est, *maximam inter homines fidem*. Habet hanc præterea utilitatem jusjurandum, quod, ut *Apostolus PAULUS* loquitur in Epist. ad Hebr. VI. 16. sit *πάντος αἱματικαὶ πίστες*, id est, *omnis controversiae finis*; sed quod comodum, cum explicare jam non liceat, nominasse sufficiat. *Obligationis* varias definitiones tradere solent Philosophi, sed quæ tamen verbis magis, quam re ipsa a se discrepant. Quisquis enim ad notionem, quam obligationi imponit usus loquendi, attenderit, mox animadvertisit, quod per hanc *necessitas quedam moralis hominibus injungatur ad aliquid agen-*

agendum vel omittendum. Omnis autem necessitas moralis nititur rationibus, ex indole actionis & circumstantiarum petitis; adeoque res eodem redit, si ve obligationem definiamus per necessitatem moralē aliquid agendi, sive etiam per connexionem rationum sive motivorum cum actione. Dicunt quidem nonnulli, obligationem esse necessitatem moralē aliquid faciendi a jure superioris praestam, quam tamen necessitatem nos potius mandatum seu iussum esse dicendum arbitramur. Hæc obiter: ad rem vero pertinet, quod convenientiam allatarum definitionum pridem agnoverint Moralista. Cum itaque omnis obligatio nitatur motivis, hæc autem non unius ejusdemque sint generis, sed alia aliis fortiora, fortius autem vincat debilius, ergo diversi dantur obligationum gradus, & una obligatio alteram sufflaminat nonnunquam atque elidit. Quo circa verbo tantum observamus, quod cum in vitiis motiva cum actionibus conjungi subinde videantur, hæc autem vel futilia sint vel speciosa tantum, adeoque in utroque casu pro nullis habenda, ex neutra definitione rite intellecta confici potest, quod ad mala detur obligatio.

§. II.

Ad promissa & pacta legitima, seu physice simul atque moraliter possibilia, servanda homines obligantur. Promissum enim est sermo, quo quis adfirnat, se velle alteri aliquid præstare. Cum vero alter huic convenienter rationes suas subducat, igitur qui promissum non servat aut fidem datam non liberat, facit, ut alterius rationes turbentur, & ut minus suo

plerumque habeat. Lædere autem aliquem, est efficerere, ut quis minus justo habeat. Ergo qui re ipsa non præstat, quod alteri addixit, & quod non solum in potestate ipius fuit, sed etiam legibus non repugnavit, is alterum lædit. Sed ex tenore legis Naturalis nemo est lædendus, consequenter promissa legitima sunt servanda. Præterea qui prouissa modo dicta non servat, temerariis ausis hoc consequitur, ut alii fidem ipsi non facile habeant; quo modo præmittens, existimationis suæ haud exiguum jacturam facit. Sed Lex Naturæ cuique injungit, suam conservare famam, ergo quisque liberabit fidem, ut maximum generis humani vinculum & sanctissimum pectoris bonum. Quod erat prius.

Pactum est promissum mutuum de iis sibi invicem præstandis aut omittendis, quæ ad felicitatem humanam promovendam pertinent. Sicut igitur per pacta indigentia nostræ quodammodo subvenimus, idque agimus pacifcentes eum aliis, ut nobis officia humanitatis & beneficentia, quæ ceteroquin a perniciose frustra exspectamus, præstant; ita facile patet, quod ne societas quidem ulla consistere diu queat, nisi pactorum fides maneat integra; consequenter pacta, quibus nullum adhæret vitium, ab utroque pacifcente jugiter sunt servanda. Allatæ rationi aliam addo. Generalis est Juris Naturalis Canon: *Quod nobis fieri nolumus, idem nec aliis facere debemus.* Enimvero vix quidquam tam ægre nos habet, quam cum pacta inita non servantur. Ergo homines obligantur ad pacta physice & moraliter possibilia servanda. Quod erat alterum.

COROL. Contingit nonnunquam, ut vel plura promittamus vel plura pacta ineamus; quibus igitur si golis per §. II. satisfacere obligari sumus. Sed cum inter illa promissa & pacta existere queat collisione, ut illis simul satisfacere humana conditio non permittat, igitur si plura sunt fortiora fuerint motiva, quae aliquem impellunt ad servandum pactum A, quam ad servandum pactum B, obligatio quoque ad servandum A major est, quam ad servandum B, per §. I. Ergo homines tanto magis obligantur ad promissa & pacta legiima servanda, quanto fortiores rationes eadem fverint.

§. III.

Ad promissum aut pactum legitimum, cui iusjurandum accessit, servandum magis obligantur homines, quam ad promissum aut pactum non juratum. Designent enim A & B duo promissa aut pacta, ad quae servanda pares primum rationes $a + b + c$ homines obstringunt, sed muniatur postmodum pactum A jurejurando; quo ipso ingens illi momentum accedit per §. I. Vocetur hoc D. Igitur per §. I. obligatio ad promissum vel pactum A servandum est ut $a + b + c + D$; obligatio autem in altero casu est ut $a + b + c$. Enimvero $a + b + c + D \geq a + b + c$, ergo etiam obligatio ad promissum vel pactum A servandum major & fortior est, quam ad B servandum.

§. IV.

Ad promissa aut pacta, que res sive physice sive moraliter impossibilis concernunt, servanda homines non obligantur. Veritas hujus propositionis statim patet ex canone morali: Quod impossibilium nulla sit obligatio. Si vero quis hunc plenius evolutum desideret, sequentia accipiat. Physice impossibile dicimus;

quicquid per vires humanas effici nequit; moraliter autem impossibile, quicquid legibus sive Divinis sive humanis contrarietur. Ex quibus apparet, quod in physice & moraliter impossibilibus adit momentum quodam rationis infinitum, ad quod actiones humanæ pertingere vel non possint vel non debeant. Ponamus igitur, quod *a, b & c* sint rationes, quæ actionem quandam physice vel moraliter impossibilem evadere videntur, *D* autem dissivadens momentum; erit *D* respectu tam singulorum terminorum *a, b, c*, quam intuitu totius seriei *a + b + c* infinitum, ergo *a, b, c*, respectu ipsius *D* evanescunt plane, & consequenter in præsenti casu nulla sunt actionis motiva. *Enimvero omnis obligatio nicitur motivis per §. I.* Ergo ad promissa & pacta, quæ res sive physice sive moraliter impossibilis conseruantur, homines non obligantur.

A iustisq; iustisq; iustisq; iustisq; iustisq; iustisq; *§. V.*

Promissum aut pactum illicitum, per iurandum eisdem accedens, non fit licitum. Quisquis enim indolem promissorum & pactorum consideraverit, facile animadvertisit, quod jurajuranda non pertineant ad essentiam eorundem, sed accidentia tantum sint. Quod quidem inde constat, quia in statu integritatis, si in eodem persistissent homines, pacta utique ad jucunditatem vitae obtinuissent, quæ vero juribusjurandis firmare tanto minus erat necessarium, quod homines a fallendi artibus fuissent alienissimi. *Enimvero accidentia & adesse & abesse possunt, salva tamen manente ipsa re;* quare etiam jurajuranda non mutant naturam promissorum & pactorum. Ergo pro-

missum & pactum illicitum, si vel maxime jusjurandum eidem accesserit, est & manet illicitum, nec unquam sit licitum. Quo tamen ipso suum jurijurando non denegamus momentum, quod tamen cum indole promissi & pacti vel stat vel cadit. Sicut enim Deo accepta sunt jurajuranda, quibus firmantur pacta in felicitatem generis humani tendentia, ita serio aversatur illa, quæ versantur circa illicita.

COR. I. Quicquid illicitum, id quoque moraliter impossibile. Ergo vi §. IV. ad missum & pactum illicitum, si vel maxime jusjurandum illis accesserit, homines non obligantur.

COR. II. Hinc etiam patet ratio canonis: *Quod male promittitur & male juratur, pejus servatur.* Qui enim promittit & jurat, se aliquod malum auctorum, ille omnino peccat, at si idem revera facit, peccatum grave alio graviori cumulat. Quid? Quod ejusmodi homo in maiestatem Divinam sit maxime injurius; cum enim sibi persuadet, missum vel pactum propter accedens jusjurandum esse servandum, simili credat necesse est, tale jusjurandum Deo acceptum esse & ab illo probari. Sed jurisjurandi moralitas pendet ab indole missum vel pacti, quod cum illicitum ponatur, talis homuncio admittit, Deum probare malefacta, id quod & cogitatu impium & dictu horrendum est.

§. VI.

Promissum aut pactum conditionatum per accedens jusjurandum non fit absolutum. Promissum enim vel pactum ita nititur conditione, ut, illa absente, missum aut pactum pro nullo habeatur. Sed jusjurandum accedens magis tantum obstringit pacientes ad missum vel pactum sub data conditione servandum §. I. Ergo jusjurandum non tollit conditionem. Constat adeo propositionis hujus veritas.

§. VII.

§. VII.

Jurajuranda novam non producunt obligationem. Obligatio est connexio motivorum cum actione per §. I. Si igitur motiva ante præstatum jurandum fuissent *a*, *b*, *c*, quibus per jurandum accedit momentum *D*, tum quoniam jurandum tendit ad eundem finem, qui per promissum aut pactum definitur, motivum *D* erit homogeneum ceteris *a*, *b*, *c*. Ergo series *a + b + c + D* non specie, sed magnitudine tantum sufficit ab *a + b + c*. Sed si esti cuidam augmentum quoddam reboris accedit, non sic tamen novum evadit, nec enim homo, qui variis exercitiis tam corporis quam animi vires auxit, novus deinceps seu alius est dicendus; ergo nec jurandum, negotium aliquod confirmans, novam producit obligationem. *Ita Quod si jurajuranda novam producerent obligationem, tum sequeretur, quod promissa vel pacta per jurandum eis accedens etiam plane adsumerent indolem; ergo aut promissa & pacta illicita per jurandum ferent licita, aut ipsa, si quidem conditionata sint, mutarentur in absoluta.* Quoniam vero neutrum horum fieri potest juxta §§. V. VI. Ergo nec jurajuranda novam producent obligationem. Quid? Quod si dictam modo obligationem producerent jurajuranda, vim omnem promissorum atque pactorum penitus nonnunquam tollerent. Non enim, me quidquam alicui promisisse hoc omnino præstare teneor §. II. Accedit vero jurandum, quod, quia novam i. e. etiam producere obligationem statuitur, contrarium ejus, ad quod antea tenebat, jam erit faciendum, seu quod idem est, fidem datam fallere debet quod ut absurdum, ita jurajuranda novam non producent obligationem. Quibus addet, quod accessorium non tollat principale. Exemplo res fiet adhuc clarior: Juravit quispiam, se nunquam pauperi ulli daturum Eleemosynam; sive si jurandum novam per se producit obligationem, etiam hic debet illud servare, & tamen, si servat, perpetuo peccat. Sed plura persequi prohibet tum festinatio cum curta domi-sopellex, quare meditationibus nostris finem jam imponimus.

S. D. G.